



## Tusagassiorfinnut nalunaarut Pressemeddelelse

### Kangerlussuarmi pisoq ajorsiatorunnaarpoq

**Qeqqata Kommuniani borgmesterip Herman Berthelsenip aamma Naalakkersuisut Siulittaasuata tulliaata Jens B. Frederiksenip ullumi sulisunit aammalu Mittarfeqarfiit pisortaant Jens Lauridsen-imit peqataaffigineqartumik Kangerlussuarmi ilungersunartumik pisoqarnera takuniarpaat**

14. juli 2012  
Sagsnr. 2012-069508  
Dok. Nr. 963443  
Postboks 909  
3900 Nuuk  
Tlf. (+299) 34 50 00  
Fax (+299) 34 54 10  
E-mail: iaan@nаноq.gl  
www.nanoq.gl

Paasineqarpoq kuummi imeq, sersersuup immikkut ittumik aakkiartupiloorneraneersumik, sakkortuumik kuussimasoq sulilu taamaalluni.

Ikaartarfik timmisartoqarfiup nunaqarfittaata kujataaniittoq annertuumik ajoqusersimavoq, taamatullu tassani aamma imermut aqquersuut ajoqusersimalluni. Taamaattorli innaallagissamik imermillu pilersuinermit navianartorsiortitsiviunngitsumik annertussusilimmik.

Namminersorlutik Oqartussat aamma Mittarfeqarfiit oqaatigaat ajoquserit malitsigisaannik Kangerlussuarmi timmisartuussinermi ingerlatsinerup akornusersorneqarnissaa navianartorsiortinneqanngitsaq. Unittoortoqassagaluarpas Mittarfeqarfiit innaallagissamik imermillu pilersuinerup ingerlaannarnissaanut sillimaniarlutik iliuuseqareerput.

Kangerlussuarmi timmisartoqarfik angallanermi kateruffiuvoq pingaarnerpaaq aammalu Kalaallit Nunaata sinneranut isaarissatut atuulluni, taamaattumik nunamut tamarmut iluaqutaasumik ingerlatsinerup ingerlaannarnera isumannaanneralu illuatungeriit nuannaarutigisorujussuaat.

Herman Berthelsen, Jens B. Frederiksen aamma nunaqarfimmi aqutsisut ullumi isumaqatigiipput, Namminersorlutik Oqartussat aamma Mittarfeqarfiit pilersuinerup piffissami qanittumi isumannaatsuunissaanut pisariaqartunik iluuseqassasut, taamatullu piffissamut ungasissumut pilersuinermit aqquersuutunik isumannaatsunik pilersitsinissamut pilersaarusiortoqassasaq.

Taamatuttaaq isumaqatigiissutigineqarpoq Qeqqata Kommunea kujammuinnaq ikaartarfimmik aqqiissuteqarallarnissamik piaartumik pilersitsinissamut tunngatillugu pisariaqartunik iliuuseqassasaq.

Imeq nalinginnaanerusumut apparpat Qeqqata Kommunea misissueqqaarnernik aammalu iluarsaassinissamut pilersaarusiornermik aamma kuummi ikaartarfiup qajannaallisarnissaanut suliaqarluni aallartissisaaq, taamaalilluni siunissamut isumannaallisarneqassalluni aammalu silap pissusaata allanngoriartornera sillimaffigineqassalluni.

Siunissami tassunga assigusunik pisoqariataarnissaanut upalungaarsimanermit pilersaarutiniq Qeqqata Kommunea Namminersorlutik Oqartussanit ikiorneqarluni pilersitsissaaq.

Namminersorlutik Oqartussat aamma Qeqqata Kommunea suliaasat ingerlaqqinnissaat pillugu suleqatigiissapput.

Annertunerusumik paasisaqarusunnermi attaveqarfigineqarsinnaapput

Jens B. Frederiksen, tlf. 587606

Hermann Berthelsen, tlf. 527556